

**Wan Azizah angkat sumpah ADUN 7 April**  
**Astro Awani**  
**24 Mac 2014**

**BANGI:** Presiden PKR, Datuk Seri Dr Wan Azizah Wan Ismail yang memenangi pilihan raya kecil Dewan Undangan Negeri (DUN) Kajang akan mengangkat sumpah sebagai ADUN Kajang baharu pada 7 April depan.

Speaker DUN Selangor, Hannah Yeoh berkata dengan pelantikan Wan Azizah itu, jumlah ADUN dalam kalangan wanita juga turut meningkat kepada 15 orang.

"Datin Seri Dr Wan Azizah Wan Ismail yang diumumkan menang hari ini akan mengangkat sumpah sebagai Adun Kajang baharu pada 7 April depan.

"Hal ini sekaligus akan menambah jumlah ADUN Wanita di Selangor menjadi 15 orang," katanya pada sidang media selepas Suruhanjaya Pilihan Raya (SPR) mengumumkan keputusan PRK N25 Kajang di Stadium MPKJ, di sini, malam tadi.

Wan Azizah memperolehi 16,741 undi manakala calon BN Datin Paduka Chew Mei Fun mendapat 11,362 undi.

Wan Azizah menang dengan majoriti 5,379 undi kurang 1,445 undi berbanding PRU13.

Peratusan keluar mengundi merosot 16 peratus berbanding PRU13 dimana sebanyak 28,314 atau 72 peratus daripada 39,278 pemilih berdaftar keluar mengundi.

Pada PRU13 sebanyak 87.9 peratus pengundi DUN tersebut menunaikan tanggungjawab mereka daripada jumlah keseluruhan 39,728 pengundi.

Copyright © Astro Awani Network Sdn. Bhd. 2014 (535275-D). All Rights Reserved.

Source: : <http://www.astroawani.com/news/show/wan-azizah-angkat-sumpah-adun-7-april-32426?cp>